

ՀԱՇՎԵՏՎՈՒԹՅՈՒՆ

2023 թվականի մայիսի 7-ից 10-ը Մեծ Բրիտանիայի և Հյուսիսային Իռլանդիայի Միացյալ Թագավորություն (Լոնդոն) գործուղման արդյունքների մասին

1. ԱՆՈՒՆ, ԱԶԳԱՆՈՒՆ

Ժաննա Անդրեասյան

2. ԶԲԱՂԵՑՐԱԾ ՊԱՇՏՈՆ

ՀՀ կրթության, գիտության, մշակույթի և սպորտի նախարար

3. ԳՈՐԾՈՒՂՄԱՆ ՎԱՅՐԸ/ԺԱՄԿԵՏՆԵՐԸ

Մեծ Բրիտանիայի և Հյուսիսային Իռլանդիայի Միացյալ Թագավորություն (Լոնդոն)
2023 թվականի մայիսի 7-ից 10-ը

4. ՀՐԱՎԻՐՈՂ ԿՈՂՄԸ

Միացյալ Թագավորության կրթության պետքարտուղար Գիլյան Քիզանը

5. ԳՈՐԾՈՒՂՄԱՆ ՆՊԱՏԱԿԸ

Մասնակցություն կրթության համաշխարհային ֆորումին

6. ՔՆՆԱՐԿՎԱԾ ԹԵՄԱՆԵՐԸ

Կրթության համաշխարհային ֆորումն այս տարի անցկացվում էր «Ուսուցման մշակույթի զարգացում. ավելի լավ և կայուն կրթություն ձևավորելու նպատակով ուսուցման մշակույթի զարգացում, ճկունություն, և խթանում» խորագրի ներքո, որին մասնակցում են ավելի քան 118 երկրի կրթության ոլորտի ղեկավարներ, ընդհանուր առմամբ՝ շուրջ 1000 պատվիրակ ամբողջ աշխարհից:

Կրթության համաշխարհային ֆորումի շրջանակներում Լոնդոնում հանդիպել եմ «Educational Testing Service» (ETS) ամերիկյան կազմակերպության ներկայացուցիչների հետ:

Ընթացքում քննարկել ենք հանրակրթական դպրոցների կրթական մակարդակների անցումների գնահատման, մասնավորապես՝ Հանրակրթության պետական նոր չափորոշիչին համահունչ տարրական դպրոցից միջին, միջինից ավագ և ավարտական քննությունների կազմակերպման ու գնահատման ուղղություններով համագործակցության վերաբերյալ հարցեր:

Քննարկման ընթացքում անդրադարձ է եղել նաև բուհերի ուսանողների գնահատման ուղղությամբ համագործակցության հնարավորությանը, հատկապես ընդունելության, ուսումնառության ընթացքում առաջին և երկրորդ կուրսերի ուսանողների մասնագիտական զարգացման և ուսումնառության վերջին տարում կարիերայի նախապատրաստման գնահատման ուղղություններով: Միջազգային գործընկերների կողմից ներկայացվել է նաև «PIAAC» համակարգի միջոցով կազմակերպվող մեծահասակների գրագիտության գնահատման համակարգը:

Արդյունավետ էին նաև քննարկումները «Ի՞նչ քայլեր կարող ենք կամ պետք է ձեռնարկենք կրթության ոլորտում առաջնորդություն զարգացնելու համար՝ յուրաքանչյուր մակարդակում: Ղեկավարության ո՞ր տեսակներն են լավագույնս աշխատում» խորագրով պանելային նիստում:

Ֆորումի շրջանակում ներկայացվել են ազգային մակարդակներում հանրակրթության, միջին մասնագիտական և բարձրագույն կրթության ոլորտներում հիմնական ձեռքբերումները, ինչպես նաև անդրադարձ է կատարվել կրթության հիմնական բաղադրիչներին՝ ուսուցման վաղ տարիքից հմտությունների զարգացումը և տեխնոլոգիաների ներդրումը խթանելու նպատակով:

7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Ֆորումի «Ի՞նչ քայլեր կարող ենք կամ պետք է ձեռնարկենք կրթության ոլորտում առաջնորդություն զարգացնելու համար՝ յուրաքանչյուր մակարդակում. ղեկավարության ո՞ր տեսակներն են լավագույնս աշխատում» խորագրով նիստին հանդես եկա ելույթով:

Եռօրյա ֆորումի ընթացքում հանդիպել եմ Մեծ Բրիտանիայի և Հյուսիսային Իռլանդիայի Միացյալ Թագավորության Դպրոցների հարցերով պետնախարար Նիկ Գիբի (Nick Gibb, Minister of State for Schools) և Դպրոցական համակարգի և ուսանողների ֆինանսավորման նախարար Բարոնուհի Բարանի հետ (Baroness Barran, Minister for the School System and Student Finance): Հանդիպմանը մասնակցել են ԿԳՄՍ նախարարի տեղակալ Արաքսիա Սվաջանը և Մեծ Բրիտանիայի և Հյուսիսային Իռլանդիայի Միացյալ Թագավորությունում Հայաստանի Հանրապետության արտակարգ և լիազոր դեսպան Վարուժան Ներսեսյանը:

Ներկայացրել եմ ՀՀ կրթական համակարգում մեկնարկած լայնածավալ փոփոխությունները՝ ընդգծելով, որ կրթության բոլոր աստիճաններն ընդգրկող բարեփոխումների շղթայում առավել դինամիկ են հանրակրթության փոփոխությունները, կարևորելով, որ ՀՀ դպրոցներում առաջիկա ուսումնական տարվանից ներդրվելու է Հանրակրթության նոր չափորոշիչը, որը մեծ պատասխանատվություն և հավելյալ ջանքեր է պահանջում: Այս համատեքստում քննարկվել է երկկողմ համագործակցության

հնարավորությունը հանրակրթական դպրոցների ուսուցիչների և տնօրենների մասնագիտական զարգացման, կրթության տեսչության՝ որպես վերահսկող մարմնի գործունեության բարելավման, ինչպես նաև գնահատման նոր մոտեցումների արդյունավետ կիրառման ուղղություններով: Անդրադարձ է եղել նաև արտադպրոցական ծրագրերի զարգացմանը՝ կարևորելով համատեղ նախագծերի իրականացման հնարավորությունները: Այցելել են նաև բարձրագույն և միջին մասնագիտական ուսումնական հաստատություններ, հանդիպել են Լոնդոնի համալսարանի, Լոնդոնի արվեստի համալսարանի, Վեստմինստերի քոլեջի ղեկավար կազմի ներկայացուցիչների հետ, ծանոթացել բրիտանական ուսումնական հաստատությունների կրթական ծրագրերին և ենթակառուցվածքներին: Հանդիպումների ընթացքում քննարկվել են համագործակցության հեռանկարները, անդրադարձ է եղել ակադեմիական քաղաքների ստեղծման և կառավարման, կրթական կլաստերների հիմնադրման գործընթացում կիրառված վարչական լուծումներին վերաբերող հարցերի: Հանդիպումը մասնավորապես հետաքրքիր էր Արվեստի համալսարանի գործունեության բրիտանական փորձով, քանի որ ՀՀ-ում ներկայումս քննարկվում է Ակադեմիական քաղաքի ստեղծման հարցը, որտեղ նախատեսվում է հիմնել նաև արվեստների կլաստեր: Այս համատեքստում կարևորել է արվեստի կրթության արդյունավետ կազմակերպումը՝ ընդգծելով ուսումնական ծրագրերի և ենթակառուցվածքների բարելավման անհրաժեշտությունը:

Վեստմինստերի քոլեջ այցելության ընթացքում ներկայացվել է արվեստի ոլորտի համար տեխնիկական մասնագետների պատրաստման ուսումնական գործընթացը, որը դիտարկվում է արվեստների կրթական կլաստերի շրջանակում: Կողմերը շեշտել են նաև միջբուհական կապերի զարգացման, ինչպես նաև միջին մասնագիտական կրթության աստիճանում համագործակցության անհրաժեշտությունը:

Այցելել են նաև Բրիտանական թանգարանում բացված «Շքեղություն և ուժ. Պարսկաստանից Հունաստան» խորագրով ցուցահանդես, որտեղ ներկայացված են բացառիկ ցուցանմուշներ Հայաստանի պատմության թանգարանից և «Էրեբունի» պատմահնագիտական արգելոց-թանգարանից: Միացյալ Թագավորությունում առաջին անգամ ցուցադրվում են Արմավիրից գտնված ոսկյա կրծքազարդը, կավե ցլակերպ ծիսանոթը (Ք.ա. VI-V դդ, դդ.), Էրեբունիից հայտնաբերված արծաթյա հեծյալի ծիսանոթը (Ք. ա. VI-IV-րդ դդ.), Արտաշատից գտնված կավե արջակերպ ծիսանոթը (Ք. ա. I դ.): Այցելուների հատուկ խմբի համար կազմակերպված փակ դիտումների ժամանակ հատկապես ուշադրության է արժանացել Հայաստանի պատմության թանգարանից տրամադրված արջակերպ ծիսանոթը, որը մեկ ցուցափեղկում է համադրված Բրիտանական թանգարանում պահվող համաժամանակյա մեկ այլ բարձրարժեք ցուցանմուշի՝ Անահիտ աստվածուհու կիսանդրու հետ: Այս ցուցանմուշներն իսկական բացահայտում են դարձել Բրիտանական թանգարանի մասնագետների համար:

Բրիտանական թանգարանի տնօրեն Հարթվիգ Ֆիշերի հետ հանդիպմանը քննարկվել են հայ-բրիտանական համատեղ ցուցադրությունների կազմակերպման հնարավորություններին առնչվող հարցեր: Անդրադարձ է եղել թանգարանների կառավարման խնդիրներին՝ մասնավորապես կարևորելով ցուցադրությունների արդյունավետ կազմակերպման մոդելների ներդրումն ու զարգացումը, ինչպես նաև միջթանգարանային երկկողմ կապերի ամրապնդումը:

ՑԱՆՈՐԱԳՐՈՒԹՅՈՒՆԸ, ԱՄՍԱԹԻՎԸ

5/15/2023

X 

ԺԱՆՆԱ ԱՆԴՐԵԱՍՅԱՆ

Signed by: ANDREASYAN ZHANNA 6402810169

15.05.2023 թ.

Հավելված N 2
ՀՀ վարչապետի
N 326-Ն որոշման

«Հավելված N 3
ՀՀ վարչապետի 2018 թ.
սեպտեմբերի 19-ի N 1230-Ն
որոշման

Օրինակելի ձև

Հ Ա Շ Վ Ե Տ Վ ՈՒ Թ Յ ՈՒ Ն

ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը ՀՀ ԿԳՄՍՆ
2. Գործուղման մասին իրավական ակտի համարը ՎՈ 436-Ա
3. Անունը, ազգանունը, զբաղեցրած պաշտոնը (մասնագիտությունը)
Ժաննա Անդրեասյան՝ ՀՀ ԿԳՄՍ նախարար

(թվարկել՝ պատվիրակություն գործուղելու դեպքում)

4. Գործուղման վայրը Մեծ Բրիտանիայի և Հյուսիսային Իռլանդիայի Միացյալ Թագավորություն (Լոնդոն)

5. Գործուղման ժամկետները՝ 2023թ. մայիսի 7-ից-10-ը

6. Գործուղման ծախսերի ֆինանսավորման աղբյուրը՝ ՀՀ պետական բյուջեով արդասահմանյան պաշտոնական գործուղումների համար նախատեսված միջոցներ

1) իրավիրող կողմի միջոցների հաշվին հատուցվող ծախսերը

(թվարկել՝ ճանապարհաձախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը
(ՀՀ կառավարության 2005 թվականի դեկտեմբերի 29-ի N 2335-Ն
որոշմանը համապատասխան)

(ընդգծել ծախսերի փոխհատուցման տարբերակը)

ա. փաստացի կատարված ծախսերը հիմնավորող փաստաթղթերի հիման վրա՝
դրանցով սահմանված չափով, բայց ոչ ավելի, քան ցանկով նախատեսված
չափերը

բ. գործուղման անհատական իրավական ակտով տվյալ գործուղման
փաստացի կատարված ծախսերի հատուցման պահանջի համաձայն



| Ծախսի տեսակը | | Արաքսիա Սվաջյան | Անուն, ազգա նուն | Անուն, ազգանուն 3 | Անուն, ազգանուն ... | Ընդամեն ը (հազ. |
|--------------------------------|---|--------------------|------------------------|-------------------------|---------------------------|-----------------------|
| Ճանապարհ - հաճախս | Ավիաճառայության տեսակը (էկոնոմ դաս, | | | | | |
| | Ավիատոմսի արժեքը (դրամ) | 0 | | | | 0 |
| Գիշերա- վարձ | Վճարը 1 օրվա համար (արտարժույթով,(դուլա | 228 | | | | 228 |
| | Վճարը 1 օրվա համար (դրամ) | 88343 | | | | 88.343 |
| | Օրերի քանակը | 3 | | | | 3 |
| | Ընդամենը (դրամ) | 265029 | | | | 265.029 |
| Օրապահիկ | Վճարը 1 օրվա համար (արտարժույթով) ,(դուլար) | 123 | | | | 123 |
| | Վճարը 1 օրվա համար (դրամ) | 47659 | | | | 47.659 |
| | Օտեռի քանակը | 4 | | | | 4 |
| | Ընդամենը (դրամ) | 190635 | | | | 190.636 |
| Այլ ծախսեր | Հակահամաճա- րակային նմուշառումների վճար | | | | | |
| | Մուտքի արտոնագրի վճար | | | | | |
| | Այլ ծախսեր (նկարագրել) | | | | | |
| Ընդամենը ծախսեր (հազ. դրամ) | | 455.664 | | | | 455.664 |

Ծանոթություն: Նախնական վճարվել է 455664 ՀՀ դրամ, ենթակա է վճարման 0 ՀՀ դրամ:

ԿԳՄՍՆ գլխավոր քարտուղար՝



ՀԱՍՄԻԿ ՀԱԿՈՒԲՅԱՆ

